





18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43

105260
864
2p-13



吉469
862
:3





金石綜例卷三

小長宣舊史官馮登府簣

墓碣

漢江原長進德碣

文云君諱就字進德故蜀郡江原長延熹三年互孟彥
造作隸釋云有名字而不知其姓似闕非闕似碑非碑其
文由左而右其下刻一怪獸之首若虎而有角按此是墓
碣之異者

表式

漢張遷碑

此碑銘末有一表字吳山夫謂是表頌之意隸釋所載廣
漢王君治石路碑亦以一表字標其端首但彼書於前此
書於後則又有不同者此碑額題爲表頌銘此一式也漢

謁者景君墓表爲墓表之始

壽冢刻石

漢延平棹字

文云永初七年四月卅日造焉是萬歲延年益壽郭凡
十八字爲三行洪氏曰當是壽冢中所刻王氏行日唐三
家及歐尹曾墓誌無書壽藏王荆公李君墓誌云君自爲
壽藏又一例不知實昉於漢耳

墓道題闕詳畧

漢楊家墓道云漢故益州太守楊府君諱宗字德仲墓道
張君墓道云清河相弘農太守張君墓□其題闕如鉅鹿
太守金君闕不其令董君闕是也其題神道如廣漢縣竹
令王君神道故有但書姓名者如高直闕但題漢故高

君諱直字文玉是也又漢楊侍中文父之神道以姓冠於
官上

墓室

唐高麗大覺國師碑

額稱大覺國師墓室及碑銘安立事跡記墓室二字古刻
未有

神道

漢馮煥神道

文云故尚書侍郎河南京令豫州幽州刺史馮使君神道
此神道之始隸釋云漢人書墓闕神道有盡列其生平所
歷官者至銘誌則舉其所終或清高者題之此神道全書
官秩與熊君碑同例

墓輓

漢謝君墓輓

輒云元和三年五月甲戌朔謝君造此墓輒此墓輒始見者

瑩兆記 唐高士廉瑩兆記

陪葬昭陵多立碑而此獨稱瑩兆記有敘而無銘詞又一例也

穿中記 漢張賓公妻穿中二柱文

隸釋云此記張賓公妻之穴子偉伯妻與其孫陵皆祔葬右方曲內中故志之其一則偉伯之孫元益葬其父長仲弁仲叔元所志也亦埋銘之椎輪

聖作碑 宋大觀聖作碑

碑題大觀聖作之碑凡四幢聖作猶言御製

詔碑 漢賜馮煥詔

碑首行云告豫州刺史馮煥隸釋云漢詔之式如此帝紀注云漢制帝之下書有四一曰策書編簡也其制長二尺短者半之篆書起年月日稱皇帝以命諸侯王三公以罪免亦賜策而以隸書用尺一木兩行書之二曰制書其文曰制詔三公皆璽封尚書令印重封露布州郡三曰詔書其文曰告某官云如故事四曰誡敕其文曰有詔敕某官敕牒之式 宋豐澤廟封康顯侯敕

碑爲黃翰撰書宣和元年立中州金石記曰碑上爲敕下爲記敕以政和八年閏九月十三日下署太師魯國公臣京免書及諸臣名尚書吏部告印下記徐公由尚書郎蒞

二千石禱雨有應奏請封爵之事宋時敕牒體例具見於此足資掌故也

陵碑 唐順陵碑

金石文字記云順陵有碑武后勅爲之乾陵有碑中宗踵爲之王氏昶曰乾陵碑卽述聖記武后撰中宗書非中宗爲之也又前乎此者有孝敬皇帝叡德記則高宗先爲之是陵碑不始於乾陵順陵矣

墓版

晉關中侯劉韜墓誌

碣書晉故使持節都督青徐諸軍事征東將軍軍司關中侯劉府君之墓君諱韜字泰伯叔考處士君之元子也夫人沛國蔡氏其石廣七寸高一尺八寸卽古墓版文也偃師金石遺文記云此石由掘井始出土蓋卽當日誌墓之石埋於壙中者制亦如漢碑式而形制特小直不復用甄禮家宜仿爲後人埋銘定式

保母甄

甄書郎耶王獻之保母姓氏次書母德能文繼書卒之年月日殉以曲水小硯交螭方壺樹雙松於墓上後云八百餘載知獻之保母宮於茲土者云云保母之名見於禮記蓋子敬之乳母也甄於嘉泰二年山陰農人闢土得之於黃閉曲水小硯俱出焉去興寧實八百三十八年獻之前知正如滕公石室三千年後曹娥碑五百年後之譏奇矣

界碑

漢洛陽北界碑

水經注載洛縣河水之南岸有一碑北面題云洛陽北界上又幽冀二州界石文云有漢熹平四年幽冀二州以戊子詔遣冀州從事王球幽州從事張昭郡縣分界立石標界具揭石文也又漢有冀州北界碑又河南界石柱洛陽南界碑俱見水經注

建石幢以頌德政

唐使院石幢記

此碑公爲政國公立文有敘而無銘且建幢而非碑王氏昶謂與他碑之頌德政者異

東都墓關

晉豫州刺史路君二關前關七行二十一字書其歷豫州刺史至徵試博士凡八官後關六七行二十一字云會稽東部都尉路君關其次書造關年月日永平之八年隸釋云東都冢墓間石刻傳於後世者自此始

重立碑

漢郭昱碑

隸釋云郭君仕至丹楊太守以威宗延熹元年卒三載禮闕諸子已刻墓道之銘矣後十餘年當孝靈光和之二年其從子五原太守鴻因葬太尉公遂與其孫范不改舊文重立此碑又碑云年過耳順寢疾瘡頽蓋年六十餘也

神碑

北齊邑師道畧等造神尊碑象記

王氏昶曰文云敬造神碑一所尊像八堪則仍是造像而別立碑以記之稱之曰神碑昶見於此

學師題名

漢學師宋恩等題名

金石錄卷三
五
中有孝義掾業掾易掾易師尚書掾尚書師詩掾春秋掾
議文學孝掾文學掾文學師等稱隸釋云漢永平中嘗爲
四姓小侯立學置五經師此則蜀郡諸生也又有左右生
題名碑蓋左學右學諸生也

宅舍碑

鄭子真宅舍碑隸釋云碑首云所居宅舍一區直百萬繼
云故鄭子真地中起舍一區七萬凡宅舍十有二區其次
有詞語有歲月官吏有郎中及賊曹與掾史又有左都胡
恩胡陽陳景等姓名似是官爲檢校之文其中有宅舍奴
婢財物之物其云妻無適嗣又云未知財事其前有爲後
二字知旋立嬰孺爲嗣也其云精魂未臧而有怨上一字

從女當是其母則知其親物故未久也未云春秋之義五
遜爲首所以戒其宗姓或女兄弟之類息爭室訟也碑今
在蜀中按此是分析宅產奴婢立嗣後刊此以防爭訟後
世分產單所祖

物產碑

金廣延母徐氏物產碑言徐氏歸於季本有男曰恭早終
立從孫廣延爲後廣延不祿徐氏言少入金氏在婦勤儉
積入成家又云季本以奴婢田地分與季子雍直後產薄
盡徐氏老而廣延死故又析其財有雍直徑管及悉以歸
雍直之文慮雍直爲嫂姪之害也故刊刻此石此亦後人
分析單所祖

壇碑

漢太丘長陳實壇碑

隸釋謂壇者廟中之壇段光爲孫叔敖立廟作碑文云興祀立壇是也

童子碑

漢逢盛碑

碑稱童子諱盛字伯彌又云年十有二又云慈父悼傷割哀回鯉於是門生東武孫理等刊石蓋父之門生爲作碑也又袁滿年十五胡根年七歲各有碑見蔡中郎集

前後碑體制

漢史晨碑

隸釋云前碑載奏請之章後碑敘饗禮之盛其補垣墻治瀆井種梓守冢皆在饗禮之後字畫亦大小不等蓋史君孔林中事不一書也按此與韓敕碑畧同後人紀事之碑一一分書之卽本此例

井券

券云漢安二年六月朔潁陽里墮建□井迺作神券永無極泉深三丈右五後書二季長陳正二百蕩陰龔敬四平原鮑亮三百雒陽呂仲二百下邳東高臣百彭城長邯鄲熊宣季五百豫州宋孟百家皆出錢人姓名張燕昌曰此當是義井券

瓦券

券云大男楊紹從土公買冢地一邱東極闕澤西極黃滕南極山背北極於湖直錢四百萬卽日交畢日月爲証四時爲任太康五年九月二十九日對其破蒞民有私約如

律令張燕昌金石契載此券蓋當時營葬買於神者即後人書券之祖

買地契 金真清觀牒

牒後載本觀置買地土文契契中年月後一日立契出賣地人即今之賣主一日立契人即今之買主親友一日引領人即今之居間一日寫契人即今之代筆

寶券合同 金京兆府合同平涼府合同券

此碑即今人賣買合同之例

買冢地碑 漢真道冢地碑

隸釋云右真道冢地碑延熹七年真道以錢八千從真敖兄弟市此地廣二十二丈其文戒約後世作冢取土方隅但得宿山居留不得爭訟舍地布之以天帝誅疾勸之以勉崇孝道戒之以不得違犯先人之約此後世買冢地券之始

題梁 唐福田寺三門記

記云僧之佳號及一境檀那師咸列姓氏於虹梁之上此後世寺院姓氏書梁之例

庄地書四至 唐重修大像寺記

所載庄地果園四至近他人者著他人姓名近本寺則曰自至

賣宅券 晉廣慈院牒

牒載置宅券云某年月日置得某處姓名宅壹所准作價

錢若干後載北至某處東至某處南至某處西至某處賣宅人某官某姓名年若干同賣宅人弟某姓名同賣宅人母某氏年若干保人某官姓名庄宅牙人某姓名此三代時賣宅契券之式

碑額之異

漢戚伯著碑

額云本周末嗣戚氏襲以興勃海君元孫伯著之碑洪氏謂此時墓刻始萌牙標題未當律令碑首敘胄周別封氏衛戚邑而爲姓卽姓焉敘述其先然後另行書伯著亦不著名

額題大吉

漢摩厓造冢碑

碑云舅弟六人共買山地建初元年造此冢地直三萬錢碑額大吉二字寸許隸書李遇孫曰此碑於道光二年新

出會稽跳山

魏詔

魏下豫州刺史修老子廟詔

其文曰告豫州刺史云云如故事黃初三年十月十五日下此式與漢詔同

不刊介石

唐王居士磚塔銘

銘云迹往名留不刊介石他碑多作貞石樂石無作介石者

篆額

唐褚亮碑

額書大唐褚卿之碑與他額異王氏昶曰推揣其故亦因去世荒遠恩澤久替追立墓碑不願繁稱但以一卿字該

其官位而以褚字表其姓而已褚卿猶言褚公也

篆蓋 宋韓家道墓誌

碑書某人篆蓋卽篆額也

列撰書人姓名

漢李翁郿閣頌

題名第三行云從史位口口口口字漢德爲此頌又第四行故吏下辨仇紉子長書此頌第五行云石師南口口口威明蓋刻碑者也天井後碑云仇靖字漢德書文與郿閣頌同出一手又武班碑云防東長齊國臨菑口紀伯允書羊竇道碑末云書此盛巨碑此碑列撰書人姓名始此顧亭林金石文字記謂始見於後周華嶽頌者非也金石遺文錄云郿閣列書撰人名氏此漢碑之創見也有列撰而不列書者石勛撰費鳳碑邊韶撰老子銘是也列書而不列撰者郭香察書華岳碑某伯允書武班碑是也

書撰人於文中見之

北齊隴東王感孝頌

碑云於時開府中兵參軍梁恭之盛工篆隸騎兵參軍申嗣篋微學摘藻並應命旨俱營頌筆云云不直書書撰人姓名見於文中亦碑式之變例也王氏昶云稱梁公之則譽其盛工篆隸而自述其撰文則云微學摘藻蓋謙詞也

碑題撰書先後

唐嵩陽觀紀聖德感應頌

錢氏大昕曰唐宋碑刻多以撰人姓名列第一行書人姓名次之題額又次之此碑首題林甫上裴迴題額碑末始題徐浩書與它碑或異季海官卑不敢與林甫迴並列故

也又此碑本八分於年月處用小篆亦他碑所罕見
撰書人名前後分列 唐獨孤仁政碑

碑首題劉待價撰末題劉珉書亦例之創

兼書碑陰

後周尉遲迥碑

唐開元時立此碑閻伯璵敘顏真卿銘蔡有鄰書並陰亦

一碑兩人分撰兼書碑陰也

碑陰前行特書兩人之事

漢陳球碑陰

隸釋云其前二行特書兩人之事與他碑不同其全行以
上皆云故吏其中皆有息字次行息之上又有早終字蓋
謂二人者已卒所出緡錢則其子也碑以二人居右必其
府之元僚也

年月前有造頌四年四字及碑陰行欵不同

北魏張猛龍清

頌碑

碑末書義士口口口造頌四年正光三年正月二十三

日訖王氏昶曰造頌四年四字殆紀造碑闕時之久也此

例亦他碑所無者碑陰十一列所載姓名自郡縣曹掾曹

佐以逮諸縣士族望每一人為一行每二三行至一二十

行為一列人數多寡不同此又碑陰之變例也

山行之文

東魏太公呂望碑

碑尾敘通直散騎常侍聘梁使平東將軍中書侍郎恆州
大中正修左史汲郡太守穆子容山行之文山行子容之
字王氏昶曰不曰撰而曰山行之文又一例也

碑陰載修行 漢北海相景君碑陰

碑有修行十九人按後漢百官志注河南尹官屬有循行一百三十人修行殆即循行又此碑陰又有故午疑即幹之借

集書

李氏遇孫曰楊大匏鐵函齋碑跋云集書共有十八家而未舉其碑予以所見者共得二十二種若聖教序 僧懷仁集右軍

攝山棲霞寺碑 僧懷則集右軍書 吳文碑 僧大雅集右軍書 于真庵記

宋徽宗集歐虞褚薛 張滋集米元章書 菩薩戒 元章書 汧陽普濟禪院碑

宋僧善儁習右 墨林快事云是憚公臨集右軍書習與集同 隆闡法師碑 軍書字與聖教序無異亦集

也書 集蘭亭字本 宋游丞相藏本集衆蘭亭字而成見竹雲題跋 集聖教敘蘭亭南

宋本 姜西溟藏本見竹雲題跋 永仙觀碑 集右軍書見關中金石記 普照寺興造記

集柳誠懸書 見石墨鐫華 胡武平碑 集褚河南書見周益公泛舟游山錄 田尊師德行頌

大曆六年 集右軍書 金剛經 僧懷仁集右軍書 解州鹽池新堰箴敘 天聖十年

集右 軍書 絳州重修夫子廟記 明道中集右軍書 長洲縣重修學宮記

至正十年集 歐陽詢書 皂莢行 宋人集右軍書 默庵記 元人集顏魯公書 又宋刻博

古堂帖末有集漢隸千文一種金石史云章帝千文亦是

集書非始於聖教敘以上共二十一種未知與楊氏所舉

有異同否也余按楊氏所言十八家係專指集右軍書李

所舉田尊師碑孫星衍訪碑錄畢沅關中金石記為田名

德集右軍書今考碑首有供奉口光書弁篆額等字則非

集右軍書明矣汧陽普濟禪院碑乃習右軍書殆依仿為

之非集字也宋延慶禪院修舍和塔碑爲楊虛已習羲之書蓋當時有此體則李所舉僅十二種考周孝侯碑題王羲之書王氏昶謂爲集書六譯金剛經楊承和集右軍書見關中金石記又一本唐元度集右軍書見葉氏金石錄補又一本唐元序集右軍書見趙氏錄王免淨居詩刻僧靜萬集右軍書宋集右軍牡丹詩并見石墨鐫華集右軍四十七字殘碑見來齋金石考元倪處士墓表張翥集右軍書見天一閣碑目合之共十九家未知與楊氏合否至集古今諸家書未可縷舉矣

習書

宋沂陽縣普濟禪院碑

碑首題京兆府廣慈禪院文學沙門善僂習晉右將軍王羲之書并篆額關中金石記曰古集書無稱習書者習書應是依仿爲之

二體三體六體十八體書

北宋嘉祐石經一行篆一行真宋高宗御書孝經真草每行相間爲二體魏正始石經以古文小篆隸分三體書郭忠恕陰符經亦三體也趙孟頫六體千字文謂真草隸篆及鐘鼎章草也見鈴山堂書畫記宋夢英有十八體書

泉書及書追書

唐北岳恆山祠碑寶濟寺碑御史臺精舍碑

碑題張嘉貞文泉書卽暨字與寶濟寺碑懷暉及書同卽并書兼書之意又恆山廟御史臺碑爲梁昇卿追書蓋製文在前書在後也又恆山廟碑文嘉貞書而碑末云年號

尚書名位太中士夫行定州別駕上騎都尉盧國公李克
嗣題此一例也

婦人書碑

唐石壁寺鑊彌勒像頌

碑爲太原府叅軍房隣妻渤海高氏書集古錄曰婦人之
書唯此高氏一人其書刻石存於今者惟此頌與安公美
政頌爾按金石錄載周昇仙太子碑武后撰并書薦福寺
碑天后飛白題額崇福寺碑武后題額見唐代名畫記貴
妃楊氏有書心經一卷見貴耳集宋憲聖皇后有御書觀
音經千文歸田賦又嘗續書石經見中興館閣錄宋徐夫
人名蘊書華嚴經見撫州府志婦人書碑指不勝數

僧書碑

唐內侍將軍張阿難碑瑤臺寺僧書領軍將軍上柱國乙
速孤神慶碑釋行滿書王氏昶曰卿大夫墓志用方外人
書不多見也

僧撰碑

唐樊氏墓志

按樊氏爲張詵夫人沙門至咸撰墓志亦未之見也

御書碑末有檢校模勒樹碑人名

唐裴光庭碑

碑爲元宗御書張九齡撰文前有敘題御書字某末列檢
校模勒使某檢校樹碑使某二行此御書碑之式也

御書院祇候

宋中岳醮告文

碑文御製劉太初奉敕書末題御書院祇候臣沈慶臣晉
文寶鐫蓋宋奉敕書碑皆歸御書院祇候刻字設有專職

也永定陵采石記亦末書御書院祇應臣沈政臣鄒義等刻字

撰人稱先生

宋教興訟

碑首題虛儀先生撰趙郡唐英書錢氏大昕據宋史文苑傳謂爲馬應碑頌爲太祖作不稱臣而稱先生亦無禮之甚未可爲例

題名有押字

宋趙諒題名

此元豐五年趙諒華山雲臺觀題名也趙諒記下有押字前此未有

碑題建立年月在文前

唐庾賁德政頌

王氏昶曰碑題建立年月在文前一行字較文特大亦他

碑所未有

題額有褒美之詞

唐楊珣碑

此碑爲御書御製皇太子臣亨奉敕題額云恒農先賢積慶之碑恒農郡望也先賢積慶頌詞也亦他碑所未見

碑不列書人姓名

唐涼州衛大靈寺碑

碑題劉秀撰夏侯湛篆額而不列書碑名蕭思亮墓誌亦僅列撰人名不云書郭思訓碑并無列撰書人名皆例之變未必法漢碑也

碑末列勒碑人及石工姓名

唐紀信碑

碑末有勒碑人又有石工王氏昶曰殆鈎摹者爲勒碑鐫字者爲石工亦他碑未見有如是分晰者

碑後作詩贊立碑之人 漢唐扶頌

碑於頌後載處士閻葵班戀念唐君為立碑云云後系七言騷體五句有以家射兮讚君號諸學兮埤助垂後世兮不之譽蓋頌其立碑者此一例也

碑後續書

漢稿長蔡湛頌

頌後又云聖朝明哲以爵寵賢光和四年十二月甲 詔書拜并州刺史蓋志其并州之除續書也柳河東有續榮澤尉崔君墓誌本此例

頌後低格書姓名

漢楊厥碑

碑頌後低一格書趙邵等三人姓名此已開碑後系撰書姓名之式後又平格書王府分遣官屬事末行低七字書

魏伯玉徙官每行三十字有不齊者

碑首行重題與額同

漢孔宙碑

額云有漢泰山都尉孔君之碑九字首行復題此九字按漢碑俱有額無題洪氏适曰凡漢碑刻其首行即入詞無額者或題其前如張納樊安之比亦甚少已篆其上復標其端惟此碑爾

一文兩題

東魏敬史君碑

碑首行云禪靜寺刹前銘下空一字又云敬史君之碑一文兩題亦所未見史君即使君

碑陰有額

漢孔宙碑

此碑陰前有門生故史名五字與謁者景君陳德鄭季宣

王純四碑陰同他碑無是也

頌後書某人建立之由 遊華山碑

碑中敘宏農太守安國亭侯汝南袁逢掌華岳之主修廢起頓云云頌後書袁府君肅恭明神易碑節闕會遷京兆尹孫府君到欽若嘉業遵而成之延熹八年四月二十九日甲子就後又書袁府君等諱字里居蓋作碑者追述修廟之功與韓敕孔子廟碑孟郁修堯廟碑同例也又外黃令高君碑末亦書年月姓名述立碑之事

奉敕撰碑書碑額兩人 唐孔子廟堂碑

碑首列虞世南奉敕撰并書王旦書碑額考漢碑額多不著書人名唐正字謂之書額篆字謂之篆額書額另是一

人間有一人并書者奉敕撰始見此

奉敕書 唐高麗溟州朗圓大師碑

碑云奉敕書即奉敕之謂亦曰奉宣

碑後附書心經 唐馮府君墓誌

碑末書心經後云弟子王瑗妻蕢旃檀智男元佐元儻同

贖此經

碑後附書他人 漢熊君碑

碑列故茶陵長文春故桂陽山豫章 長重安侯相杜暉

俱書名字官位及卒洪景伯曰似是同郡盛德之士作文者惜其無紀錄故附之左方也此後入附書故交僚友之例也柳河東先侍御史府君碑陰記其先友六十七人本

此例也

敘銘長短

漢平輿令薛君碑

隸釋曰前有敘凡三十六字次有銘詩三百四言敘短銘長亦一例也又此碑不書名字與景君碑同又此碑以君功承堅南清誼振敷聲爲一章漢人用韻多如此

碑題孝子貞女

碑題孝子董蒲闕又嚴舉碑首行云都鄉都里孝子嚴君又孝子王立碑漢明帝時立見水經注書貞女見漢貞女羅鳳墓

一碑五例

漢北海景君碑

此碑有五例碑首先書卒例也不書族系名字一例也額曰銘詞曰誄誄後又有亂曰用兮字助聲猶校官碑前有誄後又有敘柳敏碑亦同一例也益州部當言刺史不當言太守猶孔彪已自博陵太守遷河東太守而碑尙題博陵魯峻自司隸校尉拜屯騎校尉而額尙書司隸又一例也碑陰第三列書行三年服者八十二人碑陰後又有韻語一十八句似銘詞又一例也

先敘作碑之人與文申之人相與始末後別起爲誌銘之敘

宋蘇氏墓誌

此碑爲劉次庄撰文首敘次庄與夫人之夫趙大夫公揚獎飭事乃曰論撰次庄職也謹誌而銘之後入敘文末又有銘曰四字句用韻

敘從簡

漢益州太守無名碑

碑首兩行先書卒數語後卽入詞畧敘先世及行事皆四

言韵語後系以亂用兮字助聲

有銘不加銘曰

北魏司馬元興墓誌

碑有銘無銘曰二字按碑有誌無銘者有有銘無誌者蓋有韵之銘無韵之銘古人銘誌原不分也唐人誌後不作

銘作論又一例矣

銘詞

漢孔宙碑



碑銘三十句上十四句一韵下十六句一韵又碑詞並用四言韵語末四句又用五言韵語見費鳳碑及張表碑銘作兩詞曰一四言韵語一四言次句用兮字助聲者見柳

敏碑銘詞四言末二韵用兮字者見劉修碑銘詞末四句用矣字助聲者見郎中郭君碑銘頌三言見趙君碑此皆漢人家法也至通首用七言韵語而無碑詞者見韓退之夫人墓碑銘詞四言末二句六言者見江淹撰孫曼墓銘無碑詞銘用四言末一韵五言一韵六言者見江淹撰孫恂墓銘銘詞只兩句見柳子厚覃季子墓銘末書乃荐銘曰見鄭偉墓誌秦嶧山石刻銘詞間二句用一韵

銘文似敘

唐清河張夫人墓誌

碑旣敘夫人適于閻氏二子一女矣其銘曰清河夫人嬾于閻氏二男一女忠孝誰理銘似敘文亦所未見



金石錄卷三

三

